



Soras dominicanas da Glion

100 onns ellas missiuns – retro- e prospectiva

GIUSEP CAPAUL/FMR

■ Quest atun eisi stau 100 onns dapi che las empremas siat soras dominicanas da Glion ein idas ellas missiuns en China. Ual aschi ditg exista era a Glion la Procura da lur missiuns. Sia incarica ei da mirar ch'in cerchel ed amitgs ed amitgas sustegnien finanzialmein las soras missiunaras. Menda dra dalla Procura ei Christine Imholz. La Procura dallas missiuns dallas soras da Glion edescha duas ga ad onn in fegl d'informaziun faldau «berichtet und beleuchtet» – adina era cun ina contribuziun en romontsch. Quel stat quella ga dil tut ell'enzenna dalla retro- e prospectiva

digi engaschi missiunaris dallas soras da Glion. El center ei la laver missiunara, resp. ils projects realisai en Brasilia, Taiwan, Filippinas, Irac e Guatemaala. Las soras missiunaras da Glion migliuran tras lur agid persistentamein la situazion humana da viver da paupers affons, giuvenils, dunnas e da tals senza tett. Ins ei perquei zun engrazievels a fauturs e fauturs che possibiliteschan cun lur sustegn financial da realisar tut quei.

Sco quei ch'igl ei stau da spitgar uonn ein era las ovras socialas dallas missiuns el sid stadas mo grevamein e vessamein da realisar pervia dil virus da corona. Tonpli necessarias seigien ussa

las donaziuns. Ils pertuccai san bien grau alla Procura pils daners retscharts en favur d'in project per il nutriment e la higiena pils senza tett a Manaus en Brasilia. Senza quei agid füssi ei buca stau pusseivel da segidar e spindrar ton-tas vetas. Biars vessen stuiu murir sin via. Ils maletgs dil santeri cun morts da corona a Manaus ein i per igl entir mund entuorn.

Ils davos 100 onns ein cuntegn e senn dallas missiuns semidai fetg. Era per la Procura a Glion ei bia vegniu auter. Il num sez ei denton restaus. Il plaid procura vegn dil latin «procurare» e munta el cass concret: ver quitau che las soras missiunaras da Glion e lur partenarias e partenariis el sid da nies globus sappien s'engaschar per ina veta cumplenida, oravontut per affons, giuvenils e mummas agl ur dalla societad. In pensum ch'ei buc adina levs da sligiar, mo che dat bia cumententscha e gronda satisfacziun.

südostschweiz LA QUOTIDIANA

Redazione: Via commercio 22, 7907 Cuira, tel. 081 533 07 10, mail: redazione-lq@suedostschweiz.ch

La Quotidiana
7000 Cuira
081/ 250 48 00
<https://www.suedostschweiz.ch/laquoti...>


Medienart: Print
Medientyp: Tages- und Wochenpresse
Auflage: 3'917
Erscheinungsweise: 5x wöchentlich



Seite: 6
Fläche: 51'373 mm²

Auftrag: 3009371
Themen-Nr.: 140.008

Referenz: 78986562
Ausschnitt Seite: 2/2



Quest atun eisi stau 100
onns dapi che las empre-
mas soras dominicanas
da Glion ein idas ellas
missiuns en China.

FOTO MAD